

金陵全書

金陵全書

甲編·方志類·縣志

道光上元縣志 (三)

(清) 武念祖 修

(清) 陳道恒

(清) 陳 栻

(清) 伍光瑜 等纂

南京出版社

圖書在版編目（CIP）數據

道光上元縣志 /（清）武念祖，（清）陳道恒修；
（清）陳栻等纂。——南京：南京出版社，2011.6
（金陵全書）

ISBN 978-7-80718-720-2

I. ①道… II. ①武… ②陳… ③陳… III. ①南京市
—地方志—清代 IV. ①K295.31

中國版本圖書館CIP數據核字（2011）第047369號

書 名 【金陵全書】（甲編·方志類·縣志）

道光上元縣志

編 著 者 （清）武念祖 陳道恒 修 （清）陳栻 伍光瑜等 纂

出版發行 南京出版社

社址：南京市成賢街43號3號樓 郵編：210018

網址：<http://www.njpbs.com>

聯系電話：025-83283871（營銷） 025-83283883（編務）

電子信箱：njpbs1988@163.com

責任編輯 吳新婷 朱天樂 陸永輝

裝幀設計 楊曉崗

製 版 南京新華豐製版有限公司

印 刷 南京凱德印刷有限公司

經 銷 全國新華書店

開 本 889×1194毫米 1/16

印 張 144.5

版 次 2011年6月第1版

印 次 2011年6月第1次印刷

書 號 ISBN 978-7-80718-720-2

定 價 2400.00元（全三冊）

上元縣志卷二十一 上

人物志 技藝

漢沈建升楊人世爲長吏建獨好道學導引服氣之術
又能治病輕重應手而愈嘗遠行寄僕婢並牧羊於
人各與藥一丸皆不復食建還更與藥乃食如故

晉扈謙精易卦嘗在建康筮一卦百錢日限錢五百以
三百供母二百飲酒并施貧乏五百足一卦千錢不
爲也桓溫妾產桓元時至艱謙筮曰公第六間馬埒
壞竟便產當是男兒聲氣雄烈震動四海溫贈錢三
十萬夫人亦贈三十萬謙辭無容錢處溫不聽後仍

筮卦養母溫錢日以醉客不問識與不識一日母亡
謙辭酒家許氏云因緣盡矣安葬而去不知所之數
日許氏家人於落星路邊見謙臥地始謂其醉捉手
引牽惟空衣無尸云謙居金陵攝山寺碑云北望荒
邨扈謙卜筮之宅是也

隋耿詢字敦信丹楊人滑稽辨給伎巧絕人故人高智
寶以元象直太史詢從受天文算術遂創意造渾天
儀不假人力以水轉之旋於暗室中外候天時合如
符契又作馬上刻漏世傳其妙煬帝卽位進欹枕授
右尚方署監事著鳥情占一卷隋書有傳

南唐吳廷紹太醫令烈祖食飴喉中噎國醫莫能治廷紹進楮實湯而愈馮延巳苦腦痛廷紹密詰廚人知平日嗜山鷄鴈鵠投以甘豆湯亦愈羣醫叩之曰噎因甘起故以楮實湯治之山鷄鴈鵠皆食烏頭半夏故以甘豆湯解其毒耳見南唐書

董源善畫後主時爲後苑副使畫多作山水畫龍離蟄出洞升降自如又工人物一日後主坐碧落宮召馮延巳論事至宮門逡巡不敢進後主使趣之延巳云有宮娥著青紅錦袍當門而立未敢竟進使隨共諦視之乃八尺琉璃屏畫夷光於上蓋源筆也見十國

春秋

艾宣工畫花竹翎毛孤標雅致別是風規作阪草荒榛
尤長野趣昇州厲昭慶工佛像句容郝澄以丹青自
樂沙門巨然畫烟嵐晚景當時稱絕竹夢松工畫人
物宮殿巧絕冠代解處中畫竹盡嫵媚之態應用以
書法名江南善寫細字常於一錢上寫心經又於粒
麻上寫國泰民安四字見十國春秋

宋朱杰生而異相有隱德治人目如神鍼甫下而翳旋
徹明嘉靖中裔孫鼎亦工眼科召用有效錫賚甚優
王生者瞽而善聽聲丁晉公謂守金陵王生潛聽其馬

蹄聲曰參政月中必召拜相果如其言後眞宗宴駕
謂充山陵使王生來京師俾聽馬蹄聲曰有西行之
兆諸子責曰爾知相公充山陵使有是說耳生出語
人曰蹄西去而無回聲恐有他命後果罷相分司西
京繼貶崖州

劉虛白善相時陳執中爲撫州通判使者將劾之虛白
曰無患公當作宰相使者果被召半道而去王益知
韶州日幾大拜還金陵召虛白問狀虛白曰當得一
都官止耳益大不懌以他事訟繫之已而益果終都
官郎中

李士雲善畫山水尤工於寫照王介甫鎮金陵雲爲傳
神介甫贈以詩曰衰容一見僂疑真李氏揮毫妙入
神欲去鍾山終不忍謝渠分我死前身

元蔡槐德興人僑居建康工相術莫知所師受與人言
率肆意指陳人所諱避人信而畏之至元閒世祖問
朕壽幾何對曰壽及八旬時東宮未建嘗見僂殿俾
定儲君於諸子皇孫中對曰某位他日必爲太平天
子卽成宗也授集賢學士辭不拜乞歸田里從之復
其家隱居鍾山元貞初復召不起

陳梅湖善皇極數受知于元世祖凡遇推卜多以易數

諷諫朝臣咸敬之官至江西宣慰副使或問何不爲諸子計曰吾數非其所當傳且命貧賤令其粗知農事足矣

明嚴景字克企本姑蘇人祖道通以醫徙金陵景幼通易理尤精家學永樂中詔選明醫子弟讀書備用景在選中益探閩奧其師趙友同吳敏德嘗曰是子不羣他日必以醫名後果名都下求療者戶爲之滿景氣岸甚高動必以禮而勇於行義尤喜吟咏學士周公敘結詩社於金陵景與焉俾文僖公亦稱其行誼志節有古逸民之風

貝琳字宗器其先世浙之定海人洪武初以戎籍居金陵琳自幼業儒慕天官學學於何司厯盡得其秘被薦入欽天監正統景泰閒從征占候有功成化戊子因災異上言君能修德格天則災可變爲祥若高宗雖鼎宣王旱魃遇災知懼皆致中興因條陳弭變圖治六事言多可采居家孝友有嘉瓜並蒂之異當世稱之

陳遠字中復永樂初翰林待詔繪事精雅

周文銓字汝衡蘇人也徙家金陵學儒不成去而學醫視世醫所爲詫曰醫道止此耶復棄去獨取內經本

草難經等書徹晝夜讀務窮精奧診病立方多與衆殊及病者輒愈乃大服知此道深永重於用藥遇有故輒不赴召及赴召或見病疑輒不投藥人不測所操負其才氣達官顯人非與抗禮卒不赴嘗語顧東橋先生曰醫者聖人之學也非盛德莫能操其慮非明哲莫能通其說是故士有能知草木金石昆蟲之藥辨類審性析經致能弗乖其宜弗亂其忌是謂知物知物者巧士有能知人之疾病淫於四氣薄於五臟動於七情見外知內按微知巨占始知終執生知死由是以審施湯液醪醴鍼砭按摩之治是謂知證

知證者工士有能知臟腑之所表裏經絡之所離會
榮衛之所弼勝命脈之所消息選物設方制於未形
體微發慮決於衆感是謂知生知生者聖士有能知
天地之情陰陽之本變化之因死生之故立教布法
使人專氣含精以握樞機汰穢葆真以固根柢疾疢
不作神乃自主是謂知化知化者神夫神聖者上智
之能事未易冀及工巧之道術學之所造也醫不臻
此不足以名業其持論精微如此平生不以授人人
亦無能受之者

孟繼孔字春沂亞聖之裔洪武初隸太醫院幼穎慧習

舉子業遊焦澹園之門後習醫生平存活嬰稚未可
數計性通脫不羈所得金錢悉推與貧乏隨手輒盡
歿之日囊無餘物所著有幼幼集子三人皆能世其
業仲子景沂以大方脈著孫介石經生名宿也兼精
醫術著幼科直言遠近爭購奉爲準繩詳見何南礪
方邵邨序中

蔣武字用文世居冶城山之麓永樂初以儒醫薦官至
太醫院判上嘗問卿於醫效率緩何也對曰善治者
必固其本急之恐傷其本是以聖人戒欲速也仁宗
嘗稱其言足以裨益治道卒諡恭靖子主善繼其業

司馬隆字季平父元亨家金陵儒而能醫隆少勤學嘗從林龍谿尚書游後繼父業遂擅醫名讀內經東垣書手不釋卷每至病者家或羣醫俱集辨論紛然隆徐以一言定之人皆悅服遇人危疾端居靜繹或通夕不寐必得其病之源治之法而後已有貧士病疫親戚畏避隆診視不輟嘗曰人皆有死豈獨疫疾能死人哉子泰中嘉靖癸未進士

謝儒郡廩生兼通醫每逢奇症他醫所不能辨儒應手療之卽愈文徵明爲文以贈子日昇孫世泰皆有名李尙元字仰春以善治傷寒名家每用藥言某時當得

睡某時當得下時刻皆應子言曾孫鍾懋時遇皆世其業有聲

王奇其先台州人爲諸生能通天文卜筮星數之學成化中三原王公在兵部方爲權貴所忌屬奇筮之奇曰公歸矣越三載其起當銓衡乎已而果然吏部欲出二御史問其命奇曰命豈宜問哉公進退人材固有不在命者不對而出刑部逸重囚主者屬奇筮之遇恒之大過奇占曰五爲囹圄賊入矣其焉逃之計其獲日與時皆不爽陳指揮妻死斂其女病問命於奇奇曰凶恙母亦未死後當生二子卽欲斂其必越

元鼎志卷二十一
午午時妻復生後果生二子王郎中應奎問命奇曰
是火氣太盛若官之南所至必有火災後出守台州
既至三月郡中災十室九燼王以疾去其奇中多類
此

周相嘉靖中天文生厯官欽天監正加順天府丞相洞
曉厯算占候之術嘗言候占星宿不但知其分野度
數而已其光色星星不同要須隔紙窗穿隙觀之一
見其光便知爲某星百不失一方可言占候耳與武
進唐順之反復辨難其所著厯法皆得精髓孫元舉
萬厯乙未進士爲知縣有才名